



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

Articulus III. De Relationibus.

[urn:nbn:de:hbz:466:1-73001](#)

babilius docent Immola, Innoc. & alii in dict. c. cum speciali.

2938. Facit ad hunc finem c. Super questionum 77. de Offic. delegat. Q. ejus ergo, ubi dicitur, quod, si delegatus, qui in totum subdelegavit causam alteri, & pars subdelegatum recusat, ostendendo justam causam recusationis coram delegato; hic autem causam recusationis nolit admittere, sed cogat coram suspectis cum litigare, licet posse à tali gravamine appellari; & quod, post appellationem hujusmodi, est presumptum, seu attentatum; judicari debere irritum, & inane. Nam ex hoc textu deducitur, acta Judicis recusati, quae gesta sunt ante appellationem interpositam ab illato gravamine per rejectionem causa recusationis, non esse irrita; sed tantum ea, quae gesta sunt post appellacionem.

2939. Ex eod. c. super questionum, deditur 1. si delegatus justam causam recusationis nolit admittere, licet appellari; 2. si delegatus alicui, solum, ut mero auditori, citra jurisdictionem, committat medium causae (v. g. testium receptionem) ab eo non posse appellari, nisi fines mandati excedat, vel merito suspectus sit; quo casu potest recusari, sed causam justam coram delegato ostensam; 3. vim inducendi nullitatem actorum à Judice recusato, non competere recusationi, nisi causa recusationis notoria sit nulla egens justificatione; vel electi sint arbitri consensu partis, & Judicis; vel post pronuntiatum arbitrorum super justitia causae recusationis.

ARTICULUS III.

De Relationibus.

2940. Tertia pars hujus tituli est de Relationibus. Communiter definitur *relatio* (prout hic de illa agitur) quod sit *causa dubiae consultatio*, seu *remissio ad Superiorum Judicem ab inferiore*, ut ille pro sua prudentia rescribat, vel definiat, quid in causa proposita fieri velit; seu, quod sit *Judicis, in causa de jure dubitantis, remissio ad Principem*, has remissiones, seu consultationes frequenter fieri, in utroque jure constat ex tot rescriptis, ubi reperitur: *consultationi tuae taliter respondemus. &c.* distinguunt tamen ali-

qui, relationem à consultatione, quod *consultatio* sit mera interrogatio super aliquo jure obscuro, & dubio: *Relatio* autem fiat cum explicatione totius causæ, transmissis etiam actis, in ea forma, quam rescribit lex ultima C. h. t. ibi: *sé quando ratio aut necessitas est, in negotiis nostra judicia requirendi, exspectandique responsa, omnes omnino causas relationis series comprehendat: ut recitata consulta tione, quæ ita est dirigenda, propemodum actorum recensione non sit opus, actis etiam necessario sociandis.*

Not. autem, quando dicitur relationem esse, remissionem cause dubiae, debere intelligi, quando est dubium juris;

ut, si pro tali casu nihil sit decisum in jure, vel solum ambiguè, ac obscurè, & Doctorum sententiae sint valde discordes, pro & contra militantibus argumentis, nulla parte alteri notabiliter prævalente. Unde, si solum sit dubium facti, ad ipsum Judicem, in cuius foro causa proposita est, super eo inquirere debet, ut dicitur L. Eum, quem, 79. §. *Judicibus ff. de Judicis*, ibi: *Judicibus, de jure dubitantibus, Presides respondere solent: de facto consulentibus non debent Praesides consilium impetrare, verum jubere eos, prout Religio suggerit, sententiam proferre: hæc enim res nonnunquam infamat, & materiam gratiæ, vel ambitionis tribuit. Et ideo relatio ad Principem, in questione facti, non admittitur; quia præsumitur facta ad declinandum onus judicandi, ac in alium transferendi; Barbos. in c. 68. h.t. n. 3. his præmissis:*

Q. I.

An prius, quam causa referatur ad Principem, copia relationis edenda partibus?

R. Esp. esse edendam sic, ut, si vera, & sufficiens non videatur, eam refutare, vel appellare possint; Resp. primò ex L. 1. C. de Relationibus, ibi: si quis Judicium dixerit, esse referendum, nihil (inter partes) pronuntiet: sed magis super quo hæstandum putaverit, nostram consulat scientiam; aut, si tulerit sententiam, minimè postea, ne à se provocetur, relatione præmissa terreat litigantes: sciens,

2941.

Aaaa 3 quod

quod si hoc fecerit, nihilominus jure appellationis res agitabitur. Sed nec ad nosmittatur aliquid, quod plena instructione indigeat: *quoties autem ad nostram scientiam Judex se pollicetur relaturum, consultationis exemplum litigatoribus illico edi apud acta jubeat: ut, si cui fortè relatio minus plena, vel contraria videatur, is refutatorias preces similiter apud acta, sine aliqua frustratoria dilatione offerat:* & L. 2. C. eod. ibi: super delictis Provincialium nunquam Rectores Provinciarum ad scientiam Principum putent esse referendum, nisi ediderint prius consultationis exemplum: quippe iunc demum relationibus plena veritas est, cùm vel allegationibus repelluntur, vel probantur assensu. Ex quo postremo textu colliges, relationem etiam in causa criminali esse permittam, ut ibid. notat gloss. lit. G.

2943.

Constat* 2. etiam de jure canonico ex c. *Intimasti*, 68. h. t. ubi Gregorius IX. postquam mandaverat, inquisitionem fieri super Hospitaliarii, & inquisitores, ignorantibus illis, factâ inquisitione, neque processus copia illis traditâ, relationem ad Pontificem miserant, Pontifex relationem improbabit, cùm juxta legitimas Sanctiones, quoties relatum se Judex quilibet pollicetur, illico litigatoribus apud acta consultationis exemplum edere teneantur.

2944.

Ex his iuribus deducitur 1. quòd, ubi fit relatio, referens teneatur prius relationis copiam tradere partibus, ac petere, ut in eam consentiant, ut dicitur cit. L. 2. 2. quòd, si partes, accepta copia relationis, in hanc non consentiant, sed contradicant, relatio fidem non facit, nisi quantum ea, quæ referuntur, ex actis cognosci possunt; quamobrem acta ipsa, unà cum compendiosa relatione, mittenda erunt, constat ex dict. L. 2. ibi: *tunc demum relationibus plena veritas est, cùm vel allegationibus repelluntur, vel probantur assensu:* 3. quòd, ut relatio plenam fidem obtineat, utraque pars litigans in eam consentire debeat, ut notat gloss in cit. L. 2. V. probantur, quamvis sufficiat, si una pars contradicat; si autem neuter eorum contradixit, in eam consentire presumuntur.

2945.

Notandum præterea, remissionem fieri posse non tantum in casu, quo versatur dubium juris circa causam propositam;

sed etiam quando est superiori specialiter reservata, ut dicitur c. Majores. 3. de Baptism. ibi: *majores Ecclesiae causas, præterim articulos fidei contingentes, ad Petri Sedem referendas intelligit, qui eum querenti Domino, quem discipuli dicerent ipsum esse?* respondisse notabat: *Tu es Christus Filius Dei vivi, & pro eo Dominum exorâste, ne deficiat fides ejus. & c. ut debitus 59. h. t. ibi: salvis constitutionibus, de majoribus causis ad Sedem Apostolicam referendis; item, si superior delegat, sub dijunctione, ut vel ipse delegatus eam definiat, vel instructam ad Superiorum referat: 3. si Judex motu proprio, vel ipsam caulam, vel ejus articulum, propterea, quod vel ardua, vel dubia sit, remittat ad Superiorum, consultationis causâ; quo casu eam plenè instructam, & Synopsim fideliter reductam, unâ cum actis, remittere debet, ut dicitur cit. L. 1. C. de Relationibus ibi: sed nec ad nos remittatur, quod plena instructione egat; ubi gloss. lit. B. relatio Judicis, ait, ad Principem, plena esse debet.*

§. II.

Quando relatio fieri debeat?

REsp. extra criminales faciendam ante 2946 sententiam; ut colligitur ex L. 1. C. de Relationibus, ibi: *si quis Judicum dixerit esse referendum, nihil inter partes pronuntiet;* hinc Zoëlius in tit. 61. de relationibus, lib. 7. C. *Hodie*, inquit, *relationes, ante sententiam, fieri, inhibitum;* voluit enim Imperator, perfectè examinatam causam sententiâ terminari, eamquè executioni mandari, nisi ab ea appelletur; ubi addit in annotationibus, quod hodie relationis imaginem habeat, id, quod quarundam Belgii Provincialium legibus provisum, ne liceat Magistrati judicare, *sine consilio juris peritorum.* Bus. ad L. *cum Prætor.* 12. ff. de Judic. Quo casu, si Judex, sine eorum consilio tulit sententiam, ea, ipso jure, est nulla; Bart. in L. 1. §. 13. ff. de exercit. action. Tulden. & Perez hic: Si autem Judex in ejusmodi causa, quam relaturum se dixit, sententiam tulerit, non licet ei, ne ab ipso provocent, relatione præmisâ, partes terrere; cùm scire debeat, nihilomenus jure

2947. *jure appellationis rem agitandam ; ut di-*
gitur cit. L. i.

Dixi, *extra causas criminales*. Nam de hoc casu aliter constitutum est. L. inter p̄nas. 6. §. Pr̄fides, ff. de interdictis, & relegatis, ibi: Pr̄fides itaq̄e Provinciæ, quoties aliquem in Insulam deportandum putent, hoc ipsum adnotare debeant: nomen verò ejus scribendum Principi, ut in Insulam deportetur: sic deinde Principi scribere, missâ plenâ opinione, ut Princeps æstimet, an sequenda sit ejus sententia, deportariquè in Insulam debeat: *mēdio autem tempore, dum scribitur, jubere eum debet, in carcere esse*. Ex quo tex- tu sequitur, relationem ad Principem in ejusmodi casibus faciendam esse, post latam sententiam, ut exinde Princeps judicet, an eam sequi oporteat: cùm quandoque Judices inferiores, vel severè nimium, & juxta rigorem juris (non attentis frequenter circumstantiis personarum) Reos conden- dent; ut Principis æquitate indigent; aut etiam infra meritum, non iustitia, sed privatis affectibus fracti, p̄nas decer- nant, ubi Principis æquitate opus est.

2948. Illud etiam hic controverti potest, an hodie relations istæ, ac consultationes adhuc sint in usu? Resp. affirmandum esse spectato jure canonico, ut constat ex c. 68. h. t. de quo Superiùs n. 2943. nec extat, post illud, ullus textus posterior, quo ea constitutio abrogata fuisset; aliud censem communiter Doctores spectato jure civili. Postquam enim Justinianus Imperator ad- vertit, quodam Judices hujusmodi rela- tiones attentare, ubi jam partes coram illis litigando magnas expensas fecerunt; ne deinceps lites nimirum protraherentur, in Novella 125. ita constituit: *jubemus i-*
gitur, nulli judicantium, quolibet modo,
vel tempore, pro causis apud se propositis,
nuntiare ad nostram tranquillitatcm; sed
examinare perfectè causam, & quod eis ju-
stum, legitimumquè videtur, decernere;
&, si quidem partes cessaverunt in iis,
que decreta sunt, executioni tradisenten-
tiam secundum legum virtutem; Si autem
aliquis putaverit, ex prolata novissima
sententia se lesum, appellatione uta-
tur legitimā, & hoc secundūm ordinem le-
gibus definitum examinetur, & perfe-
ctum suscipiat terminum: Si autem duo,
vel amplius fuerint cognitores litis, & ali-

qua inter eos emergat dissonantia, etiam sic jubemus unumquemque eorum, secun- dūm quod viderit ei, dare suam senten- tiā.

Ex hac novella constitutione, et si qui- dam velint, jure civili ejusmodi relati- ones esse penitus abrogatas; censem tamen aliqui, abrogatas esse solum relationes ad Principem, ubi Judices nimia facilitate id faciunt, vel causâ laboris evitandi, vel odii declinandi, opponunt tamen alii huic moderationi eam considerationem, quod, *sic non declinaretur litis protelatio*, quod causa diutius quandoque penderet in examinatione justitiae, seu causæ, num Judex inferior iustè & non ex aliis moti- vis frivolis, aut verè legitimis causam ad Principem referat? Esto igitur conce- datur, ejusmodi relationes ad principem (substituto appellationis remedio) sub- latas esse; certum tamen est etiam in foro seculari usitata esse apud inferiores Judices (dominiorum, civitatum &c.) ut referant ad Magistratum Superiorem; vel saltem ad consilium Jurisperitorum: cuius ratio facilè cogitari potest; cùm valde fre- quenter tales Judices sint jurium imperiti; imò, ut loquitur, Gregorius XIV. in sua constitutione. Cùm alias nonnulli, ob juris inscientiam, propter causæ similitu- dinem, identitatem, vel majoritatem ra- tionis, planè noxias faciant extensiones.

§. III.

An liceat appellare à sententia, quam tulit Judex juxta rescriptum Principis, post relationem sibi factam?

S I enim hoc negetur, eo ipso talis sen- 2950.
tentia transit in rem judicatam; pro
hac quæstione resolvenda produci potest
Lex. 1. Q. 1. ff. de appellat. cùm enim
quæstum esset, an adversus rescriptum
Principis provocari possit: fortè, si Pr̄fes
provinciæ, vel quis alius consuluerit, &
ad consultationem ejus fuerit rescriptum?
adducta hujus quæstionis causâ (si fortè
Judex inferior in consulendo mentitus
est) ad hanc quæstionem respondit Pius
Imperator, ut ibid. habetur: si scripserit
quisquam ad nos, & illi aliquid rescrip-
serimus, volenti ad sententiam nostram
provocare, permisum erit: si enim docu-
erint,

erint, vel falso, vel non ita se habere, quæ scripta sunt, nihil à nobis videbitur judicatum, priusquam contra scriptum fuerit, quemadmodum aliter res se habeat, quam nobis insinuatum sit. In eundem finem omnino facit lex si quis i. C. de Relationibus, cuius tenorem retulimus superius.

2951.

Ex istis juribus clarè sequitur, posse appellari à tali sententia, etiam post rescriptum ad relationem, rescribenti Principi factam, si quis per ejusmodi sententiam se gravatum sentiat, ut constat ex juribus illatis. Nec obstat, si dicas: à sententia Principis appellare non licet; sed appellare à sententia Judicis, juxta rescriptum ad relationem sibi factam, est appellare à sententia Principis; ergo ab ea non licet appellare: Resp. enim data maj: N. min: nam hæc diversa sunt: sententia referentis, est sententia Principem consulentis, data juxta rescriptum Principis; aliud, sententia referentis data juxta rescriptum, est sententia ipsius Principis rescribentis; hoc est fallum; illud quidem verum; sed ex hoc non sequitur ab illo non posse appellati, quia rescriptum potest esse vitium ex falso suggestione; & ideo etiam in dict. L. i. ff. de appellat: §. Huic 2. dicitur in casu talis rescripti (quando scilicet se aliter res habet, quam fuerit insinuatum) videri rescriptum, à consultatione Judicis non appellandum, se quis forte interlocutus fuerit, Principem se consulturum; cum possit per rescriptum provocare; quo textu expressè resolvitur, à sententia interlocutoria, qua interloquitur, seu dicit, se causam referre ad Principem; per se loquendo, non posse appellari; dixi per se; secus enim est, si non daret copiam rescripti, vel si referret parte contradicente, ut constat ex dictis.

§. VI.

Quis sit effectus relationis?

2952.

R Esp. hunc esse effectum, quod sicut per appellationem, sic etiam per relationem, suspenditur jurisdictio Judicis, causam ad Superiorem remittentis; probatur i. ex c. Licet §. de offic. Legati, ubi habetur, quod, cum Tronenses Canonici, initio dissentientes, tandem unanimi-

ter Guilielmum, fratrem Abbatis Cassinensis, in Archiepiscopum elegissent, ejusquæ electionem Episcopus Portuensis, tunc Legatus examinari præcepisset, & Abbas Cassinensis graviter apud Pontificem conquestus esset, quod dictus Legatus, Nuntiis jam Romanam missis, seu electionis causam ad Pontificem jam relatam, nimis malitiosè denudò examinare præsumperit: Pontifex hanc examinationem, tanquam à non Judice factam, & etiam jam ad suum examen delatam censuit irritam, & iranem; hinc merito dictam. c. brevibus summatum, totum nigrum, seu textum, sub rubrica positum sic exhibet: ex quo delegatus causam retulit Pape, illius definit eff. Judex.

Probatur 2. ex L. ex illo 13. C. de appellat. ibi: ex illo tempore, ex quo in civilibus causis, quæ inter privatos moventur, consultaturum, vel relaturum esse promiserit, vel appellationis, à te interpositæ, solennia completa fuerint, nihil post hac tibi quodlibet speciale, ac requisitum, vel quibuscumque modis, favoris gratiam præferens, audiendum est: sed observandum, ut juxta priora statuta solennitatis morte expleto, gesta ad comitatum omnia dirigantur. Ex quo textu habetur: resolutionem nostram procedere, non tantum ubi causa jam ad Principem remissa est; sed etiam cum Judex inferior promiserit, se consultaturum, seu relaturum; quod tamen intellige, si partes editam sibi relationis copiam approbarerint; & ideo etiam D. Augustinus ad Clerum, & universam plebem Hipponeensem, epist. 137. scribens, nomen, inquit, Presbyteri propretea non ausus sum de numero collegatum ejus, vel supprimere, vel delere, ne divinæ potestati, sub cùjus examine causa adhuc penderit, facere viderer injuriam, si illius judicium meo vellem judicio prævenire: quod nec in negotiis secularibus Judices faciunt, quando causa dubitatio ad maiorem potestatem refertur, ut, pendente relatione, aliquid audeant commutare. Et in Episcoporum concilio constitutum est, nullum clericum, qui nondum convictus sit, suspendi à communione debere, nisi ad causam suam examinandam se non præsentaverit.

Habetur 2. resolutio illius questionis, 2954
an

2955. **an** Jūdex, cūm partium consensu, causam reassumere possit, si promisit, se illam te laturam ad Superiorem? Resp. enim posse antequam relatio, seu causa instruēta Principi præsentata est; non autem, post. Primam partem tenet glossa in dict. c. *Licet V.* transtulerat, arg. cit. L. 2. C. de Relat. relatæ Superius. Alteram verò Joannes Andreas, in idem c. n. 4. & alii; ne scilicet illudatur Principi, cui ex relationis præsentatione, etiam contra partes, & ipsum Judicem referentem, jus jam quæsum est; colligitur ex c. *Bona* 4. de postulat. Prælatorum: ibi: *si enim, postquam postulatio superscripti, quibus postulantum roboratur, & presentatur Romano Pontifici approbanda, possent ab ea recedere postulantes, nobis frequenter illuderetur, & judicium nostrum ex eorum pendere arbitrio videretur.*

2956. Ex hoc per oppositum colliges, quod, licet postulantes in dato casu non possint variare, possint tamen, antequam, Papæ postulationis causa præsentata sit; quod idem dicendum venit de Judice relationis. Et quamvis hoc neget glossa in c. *postulationem*. 5. V. *nullum*, & c. de postulat. Prælat. V. *permisso*. Ducto arg. ex c. *publicato* n. 58. de elect. contrarium tamen est probabilius, ex dict. c. *Bona*. §. *nec obstat*, per sensum contrarium, & docuit Hostiensis in Summa hujus tit. n. 12. Ioan. Andr. in hoc c. n. 8. Abb. n. 11. Imola & Abb. in cit. c. *publicato*, Syl. verb. *postulatio* q. 8.

Nec obstat cit. c. *publicato* scrutinio, ubi id traditur de electione: est enim discri men, quod *actus electionis* procedat secundum jus commune ex debito officii; consequenter, si legitimè Suffragia data, & publicata sunt, resiliere deinde non licet, ut dicitur in c. 3. de elect. & cit. c. *publicato*: at verò *actus postulandi* tendat ad gratiam, & dispensationem impetrandum, contra juris communis tenorem: nemo autem gratiam, aut dispensationem petere cogitur; & redditus ad juris communis formam favorabilis, & plerumque permisus est.

2957. Habetur 3. acta per Judicem, postquam causam ad Superiorem remisit, esse invalida, & nulla, deducitur ex cit. c. *Licet* 5. de Offic. Legati, ibi: *de consilio Fratrum nostrorum examinationem secundam, tan-*

quam à non suo Judice factam, postquam negotium ad nostrum fuerat translatum examen, censimus irritam, & inanem. Eandem resolutionem ex hoc textu deducunt Alagona in Compend. juris canonici, pag. 151. Vivianus in Rationali. I. lib. juris Pontifi: pag. 413. Sanchez I. 8. matr. D. 14. n. 8. quos citat, & sequitur Barbos. in dict. c. *Licet* n. 1.

2958. Ad extreum nota, factam à nobis in

n. 2633. mentionem de supplicatione, quæ est quoddam juris remedium extraordinarum iure communi concessum, ubi appellationi locus non est, propter judicantis dignitatem; & differt ab appellatione, quod non ad Superiorem, sed ad eundem Judicem detur, & non nisi semel concedatur, & non habet locum, quando qualitas causæ non admittit appellationem. Fit tantum à sententiâ definitiva intra decendum, quando ordinarium appellationis remedium non amplius habet locum. Non suspendit executionem sententia, quamvis Viator, petens executionem, satis dare debeat in casum succumbentia, se restituturum, quod per executionem receperit. De illa expresse habetur in authent. c. de Precib. Imper. offer. Quæ supplicatio gloriofissimis Praefectis, vel eorum Consiliariis, & causas introducentibus intra decem dies, post sententiam, offerenda est; quo subsecuto, sententia non aliter executioni mandabitur, nisi viatrix pars dignam fidei jussionem prebuerit, tantum restituendi cum legitimis argumentis, quantum fuerit in condemnatio, si legitimâ retractatione sententia resolvatur; Nisi sub hac forma supplicatio porrigitur, executo causa sine fidei jussione procedet: retractationis iure illi servando, qui se gravatum putaverit, ut intra biennium supplicare possit Imperatori.

Not. 2. in casu, quo fiebat supplicatio, faciendam fuisse, non allegando Judicem male, vel imperite judicasse; sed potius, prætextu erroris proprii, vel malæ informationis, vel alicujus circumventionis ab Adversario factæ. Huic juris remedio succedit aliud pariter extraordinarium remedium, quod *Revisio* dicitur, de qua V. Haunold. tom. 5. tr. 5. à n. 498. ubi tradit seqq. I. à petente revisionem esse deponendam certam pecuniam, fisco ap-

B b b b b plicana

Tom. II.

plicandam , si malè petita est ; secundò , esse petendam in scripto , etiam pro sententia definitiva ; tertio , si sententiae interlocutoriæ revisi petita est , & retractata , causam principalem ad Judicem Cameræ remittendam esse , quartò , in revisorio non admitti novas probationes , & deductiones , quintò , an revisio suspendat executionem ? Praxi locorum attendam esse .

ARTICULUS IV.

De reliquis ad hunc titulum pertinētibus.

2960.

Not. 1. posse quem appellare contrā factum , ne fiat , licet appellans posset dicere , cum esse nullum ; colligitur ex Layman in c. *dilecti* 1. h.t. n. 2. exemplum est , si Archiepiscopus conferat beneficium , cùm conferendi potestate caret ; tum enim , ne id faciat , appellari potest ; & ideo , si probetur , collationem post interpositam appellationem esse nihilominus factam , collatio revocari debet ; si autem non probet , esse factam post appellationem , adhuc contra illum agi potest per viam *nullitatis* , ut collatio irrita declaretur , tanquam facta à carente potestate conferendi .

2961.

Not. 2. si appellans ad Pontificem prosequenda appellationi terminum nimis longum præfigat , Judicem debere illi terminum assignare intra quem omnino ad Pontificem venire possit ; & si intra tempus præfinitum id negligat , cogi posse , ut judicio se submittat ; ut dicitur c. *Personas* . 4. h.t. cùm tali casu possit declarare , appellationem esse desertam ; sic Barbos. in dict. c. 4. n. 2. quamvis appellari possit à sententia declaratoria , lata super appellationis desertione ut diximus à n. 2888. quando autem in hoc c. dicitur : *sine contradictione aliquā* , *judicio tuo in his* , *qua in questione vertuntur* , *stare compellas* ; intelligitur quidem tacitè sublata *appellatio* , ut notat Lancellot. de Attentat. p.2. c. 12. n. 45. sed appellatio solum ulterior à sententia Judicis in ea causa ; non autem à sententia super appellatione deserta .

2962.

Not. 3. appellations extrajudiciales juxta Sacros Canones rectius dici *provocationes* ; ut patet ex c. *cum sit* . 5. h.t.

ibi : *nec solent hujusmodi dici appellations* , *sed provocations ad causas* ; & hujusmodi provocantes passim etiam extra judicium audiri . Deinde quando dicitur , *appellantem à sententia* , si intra præfixum tempus non prosequatur appellationem , *videri causā suā accidisse* , *nec amplius super eodem negotio impediri* , intelligendum est , ubi appellans habet legitimam personam prosequendi appellationem ; unde non procedit in Procuratore , qui non potest illam prosequi defectu mandati ; sic Lancellot. cit. c. 12. à n. 1.

Not. 4. si à Judice inferiori unus appellet ad Papam , & alius ad inferiorem , appellantem ad Papam , à Judice inferiori citatum , debere coram illo comparere , saltem , ut alleget suam appellationem ; secus , valitum processum Judicis inferioris , *nisi siverit* , appellationem ad Papam esse interpositam ; per c. si duobus 7. h. t. Ex quo deducitur , quod , si Judex sciens , se non esse Judicem competenter in aliqua causa , & nihilominus proununtiavit , se esse competentem in ea , *gesta per eum in hoc casu non valebunt* ; cum certus sit de carentia suę jurisdictionis ; sic Barbos in L. si quis ex aliena , n. 97. ff. de jūdic. Sic etiam processus , contumacie punitivus , Judicis scientis , se non habere jurisdictionem , est nullus , ut per Navar. in cap. cùm contingat , de rescriptis , 11. causā nullitatis , à princip.

Not. 5. annum *primum* , ad prosequendam appellationem à lege , sine Judicis Ministerio concedi simpliciter , & integrum , ipso jure ; *secundum* , ex causa : *tertium* , per viam restitutiois , c. *Ex ratione* 8. h.t. ibi : *se appellationem biennio elapsa* , *interpositam à sententia* , *contra vos prolatā* , *prosecuti non estis* (dummmodo prosecutionem ipsius per impotentiam vos constituerit omisisse) *nolumus* , quod *justitia vestra* *debeat prejudicium generare* ; ita Joan. Andr. hic n. 17. vers. *sed quid si tertio* , Abb. ibid. n. 3. notandum tamen , quod hic annus *tertius* , qui concedi potest , *vía restitutiois in integrum* , propter impedimentum , quod fuit in secundo anno , non debeat esse *integer* , sed solum ad tantundem tempus , quantum fuit impedimentum ; sed prius probandum esse impedimentum , cuius causā non potuerit appellationem prosequi , ut liquet ex dict.